

四庫全書

經部

欽定四庫全書

經部  
周禮翼傳卷二

詳校官監察御史

臣徐如澍

刑部郎中

臣

許兆椿覆勘

總校官知縣

臣楊懋珩

校對官編修

臣莊通敏

謄錄監生

臣莊鮑驄

欽定四庫全書

周禮翼傳卷二

明 王應電 撰


握機經一

凡二十九字乃風后握機經古文也黃帝立井田之  
法因以制兵為握機陣法破蚩尤于涿鹿之野其臣  
風后實佐之為萬世兵法之祖

天地風雲龍虎鳥蛇四為正四為奇餘奇為握機

此八陣方位四方龍虎鳥蛇當震兌坎離之位為正  
兵四隅天地風雷當乾坤艮巽之位為奇兵其餘奇  
零之兵大將居中所握猶弩之有機故曰握機易範  
曰以內制外必重輕之勢足以相權而後無尾大不  
掉之患寧使之有餘不可使之不足也先出後躡棲  
盛擊虛潛見出入惟變所適故無一定之數

握機奇正圖



四正方曰龍曰虎曰鳥曰蛇即禮記所謂左青龍右白虎前朱雀後玄武取象于天文二十八宿而立名也四隅曰天曰地曰風曰雲取象于後天八卦方位乾坤艮巽而立名也山靜不以名兵變山言雲山出雲也或取天文或取卦位各就其變動者而立名此八陣之體也八陣與中握機為九即後續經所謂陣數有九中心零者大將握之也

昔人有泥八陣之名因謂八人為伍八伍為隊八隊

為部八部為將八將為軍每圖皆虛其中遂使大將居中而無所握是尚得為兵制也哉不知陣名雖八陣數實九惟中之所握倍于外四正四正之兵倍于四隅所以為居重馭輕之勢也

增衍握機經二

凡三百六十五字世傳太公因風后握機經增而衍之者也漢武帝令霍光習之長樂宮者即此

或總稱之

此篇雖增衍之文然此句當繼前一十九字之下通  
為一篇言不但餘奇謂之握機或合四正四奇餘奇  
總名握機也

先出遊軍定兩端

此言下營之始大將遣中軍知算法能度地者觀合  
布何營先定前後諸軍依次而集大約有剩隊無乘  
地布陣亦如之

天有衡地有軸前後有衝風附于天雲附于地



此舉八陣之名八陣總以天地風雲四者為名天地  
取其動靜開闔風雲取其往來屈伸衡者車駕馬以  
行天衡十六陣包陣外猶天之運乎外故曰天衡軸  
者車持輪不動而輪之運由之地軸十二陣主陣內  
猶地之靜而化生萬物故曰地軸衡者陷敵決戰之  
義天地各有前後衡者陰陽各以剛決威武為用也  
風者摧撓剥落之義行于天上故附天雲者晦冥變  
化之義出乎地中故附地

天衡重列各四隊前後之衝各四隊風居四維故以圓地軸單列各三隊前後之衝各三隊雲居四角故以方天居兩端地居中間總為八陣

此即後方陣也凡安營布陣必本于此其餘陣法皆從此而變化天居兩端按前遊軍所定之位而居之也兩端皆重列各四隊為十六隊前後衝各四隊為八隊四風居四維各二隊為八隊共為三十二陽圖而在外以象天地軸居中每列各一隊為十二隊前

後衝各二列每列各三隊為十二隊四雲居四角各二隊為八隊共為三十二陰方而在內以象地總六十四陣謂之隊者或五十人或一百人或二百人已上蓋無定數若軍太多則行止遲頓分為別軍可也陣訖遊軍從後躡敵或驚其左或驚其右聽音望麾以出四奇

此下言對敵出軍之法所謂遊軍者乃陣後二十四陣餘軍也未知敵之虛實故先遣遊軍驚動以窺之

按遊軍乃兵家至要安營則為兵候以為應援為遊  
騎以備非常軍行則為探馬探旗而在陣前為奪險  
為遊騎以當險阨戰則為探敵為陷陣為間道別支  
之軍皆躋捷不羈之士其所立皆非常之功御之亦  
宜以非常之恩不可不知也

天地之前衝為虎翼風為蛇蟠圍繞之義也虎居于中  
張翼以進蛇居兩端向敵而蟠以應之天地之後衝為  
飛龍雲為鳥翔突擊之義也龍居于中張翼以進鳥翼

兩旁向敵而翔以應之

八陣有三四正曰龍虎鳥蛇四隅曰天地風雲此八陣之定位也天衡地軸天地前後衝總名天地四角總名風雲四為體出戰合前右總名為虎合後左總名為龍而四風稱為蛇四雲稱為鳥四為用體用皆合八陣而為四陣兼體用而言亦為八陣也并後八變陣之名為三

天前衝居右乃正虎地前衝居前而總謂之虎兵家

先陰故以前軍與右軍同用也天後衝居左乃正龍  
地後衝居後而總謂之龍兵家後陽故以後軍與左  
軍同用也四面兵不逐方并出而與兩面同出欲更  
休無空缺也風從虎故虎進則蛇應變風言蛇者虎  
蛇皆陰類也雲從龍故龍進則鳥應變雲言鳥者龍  
鳥皆陽類也四角風雲各自為更休而不逐隅并出  
者亦使常無空缺也

虛實二壘

此語有二義每一陣有二壘即後彌年陣一百二十八壘是也調出者為虛居守者為實又安營之法不同陣有定法為實壘無定名為虛此蓋指安營言故後經文仍結之以此

皆逐天文氣候山川向背利害隨時而行以正合以奇勝

天文日月星時日之吉凶也氣候風雨雲氣之美惡也山川山林川澤之險易也或向我背敵利我害敵

或向敵背我利敵害我皆宜趨時而動居中當敵者為正兩旁翼擊者為奇

天地以下八重以列或曰握機望敵即引其後以倚角前列不動或合而為一因離而為八各隨師之多寡觸類而長

此條與前陣訖遊軍從後躡敵意同大約引遊軍為援當前曰角傳足曰倚前列不動凡變陣衛前與地前衝並不動恐為敵所乘也雖離合有二八陣俱出



為合一陣析出為離即此各隨師之多寡是也一方陣為合八變陣為離馬隆八陣贊散而為八逐地之形是也審于彼我隨機應變存乎人而已

天或圓而不動前為右後為左天地四望之屬是也天居兩端其次風其次雲右左相向是也地方布風雲各在前後衝之前天居兩端其次地居中間兩地為此是也從布天一天二次之從布地四次于天衝後從布四風挾天地之左右天地前衝居其右後衝居其左雲居

兩端虛實二壘則此是也


此條之義解者未融以愚觀之不過五行陣而已蓋  
前天衝重列陣乃金之方故此天圓不動即土之圓  
天居兩端即水之曲地方布即火之銳從布天一即  
木之直即案文為圖布之如左但愚既未嘗身親金  
革之事不習于開闔變化之妙而此條文字類云則  
其是也若先有經而此特引用然者夫既未得為全  
經則亦不可為典要後之觀者唯從事于矢石之間

者方有得于文字之外云

陣即方

圖列重衡天

端兩居天




端兩居天



經曰天衡重列各四隊前後之衝各四隊風居四維  
故以圓地軸單列各三隊前後之衝各三隊雲居四  
角故以方天居兩端地居中間總為八陣

地方法圖



經曰地方布風雲各在前後衝之前天居兩端其次  
地居中間兩地為比是也

陣即直「圖一天布從」

陣即直

天二次之  
從布天一  
從布天一  
天二次之

天地前衝  
從布四風

從布四風  
天地後衛

雲居兩端

雲居兩端

後衡天次四地布從






經曰從布天一次之從布地四次于天衡後從  
布四風挾天地之左右天地前衝居其右後衝居其  
左雲居兩端虛實二壘則此是也



經曰天或圓而不動前為右後為左天地四望之屬  
是也

陣即曲 [圖端兩居天]



經曰天居兩端其次風其次雲左右相向是也

以上圖小列之一隊五十人共三千二百人馬隆勝  
樹機能十萬之衆用此數中列之一隊百人共六千  
四百人通遊軍八千八百人項羽破秦軍百萬用此  
數大列之一隊二百人共一萬二千八百人合周制  
萬二千五百人一軍之數多多益辨孫子云治衆如  
治寡分數是也用此而已

若小教閱  
其數不拘

又按地軸宜倍于四正故從布天地陣云從布地四而四角

不復係于地衝愚謂即宋制之無地分焉蓋一軍中必有異等之士若秦穆公之陷陣越勾踐之君子兵吳子所謂選而別之愛而貴之以為軍命者無專位無定數處于大將左右前後以備緩急驅使然使不與地衝聯則死而無用故自其居中曰無地分自其出戰曰地前後衝其制軍之妙如此四正方四衝四衝凡八將四隅方四風四雲凡八將此十六隊將各主其本隊之事者也

四正每正各總其衝衝凡四將曰龍虎鳥蛇四隅每

隅各總其風雲凡四將曰天地風雲合十六而為八  
此八陣將各主其方面之事者也

地軸將總地軸地衝八雲之兵為三十二陰天衡將  
總天衡天衝八風之兵為三十二陽合八而為二捉  
令就簡以為提挈弛張兩軍相為表裏此副將之事

也軸雖大將所握亦遠腹心  
統領天將虛中以蒞之

中軍又總八陣兵合二為一此大將之事也

天地之前衝為虎翼而風應之天地之後衝為飛龍

金史卷一百一十五  
卷二  
而雲應之合前于右合後于左八陣以四為用四陣以二而化此叅將之事也

風將總其四風雲將總其四雲應于四正此驃驍將之事也

遊軍二十四陣與大軍為援此遊擊將之事也

### 增衍握機經三

凡六十七字見唐太宗李靖問對相傳云宋阮逸擬作然其義明暢其詞簡當蓋古語也



陣數有九中心零者大將握之四面八向皆取準焉

陣法如井字專指其外則為八兼舉其中則為九四  
正四隅各有其將而中心奇零之兵則為大將所握  
四正曰四面兼四隅故曰八向皆視大將旗鼓以為  
進退動息所謂取準也

陣間容陣隊間容隊

一大陣內分九陣奇正布列一隊有兩隊虛實二壘  
以後為前以前為後

回軍轉陣之法

進無速奔退無遽走

進必從旗鼓勇者不獨先怯者不獨後退必依退軍  
法無敢爭先

四頭八尾觸處為首敵衝其中兩頭俱救

受敵者為頭旁援者為尾一正為頭則兩隅為尾四  
正為四頭而四隅為八尾也一隅為頭則兩正為尾  
四隅為四頭而四正為八尾也雖云首尾然本無定



位以其首先受敵故謂之首耳所謂觸處為首也兩頭即兩旁凡稱受敵者為首則旁援者為兩尾稱受敵者為中則旁援者為兩頭亦無定名

數起于五終于八

五人為伍一人居中為主而旁各兼二人勢順而易此伍法也制字之義亦取諸此衛公法有以三人為隊者蓋以一人為主旁各兼一人也若以八人為伍則偏側不齊其勢乖舛斯大誤矣陣法必始于方合

四正四隅而八

九陣前後頭尾圖



受敵者為頭則旁援者為尾每一處受敵則兩旁為  
援

八人爲伍圖

卒卒卒卒卒卒卒卒卒卒

卒	卒	卒
卒		卒
卒	卒	卒

舊謂八人為伍以為直陣則為之長者偏側不齊以  
為方陣中加一人則又為九不加則空其中所以為  
不可用也





圖將為部八

部	部	部
部	將	部
部	部	部

舊以八部為將布法如此八伍為隊八隊為部亦如  
之凡為將者虛有其名位而無其握何以用衆耶且  
獨不思陣數有九乎凡此蓋徒言而不思措于實用  
故也

蔡氏八陣圖



西山蔡氏曰天衡十六陣居兩端左右為挾地軸十二陣居中間上下為此天前衝四陣居右天後衝四陣居左地前衝六陣居前地後衝六陣居後蓋天衡在外包運與八風陽陣相統攝即前天圓不動圖但前乃圓布而此則方中之圖微不同耳

辨胡氏非周禮

凡十四條

五峯胡仁仲曰謹按孔子定書周官六卿冢宰掌邦  
治統百官均四海者也今以劉歆所成周禮考之大  
宰掌建邦之六典夫大宰統五官之典以為治者也  
豈於五官之外更有治典哉則掌建六典歆之妄也  
元亨利貞分屬於四時而一元統天治教禮政刑事分  
掌于六官而治職則統乎百官府今謂五官之外更無  
治典然則春可獨無司即如後世丞相豈無職事耶

大宰之屬六十小宰也司會也司書也職內也職歲也職幣也是六官之所掌詞繁而事複類皆期會簿書之末俗吏掇克之所為而非贊冢宰進退百官均一四海之治者也

八政以食貨為先故欲均平天下者必自理財始苟冢宰而不能制國用則何以平天下乎天官之屬凡嚴于理財者皆為是也宰相不理錢穀陳平丙吉皆有是言此自古相傳法言蓋謂明于其官而不明于其數之云

耳至于司會一職主會計天下之政上以節制王下以贊天下之治猶漢之計相而所司尤為大以周今以為簿書期會之末俗吏培植之為豈其然乎

古之君國子民者以義為利不以利為利故百乘之家不畜聚歛之臣與其有聚歛之臣寧有盜臣今天官有宰夫者考羣都縣鄙之治乘其財用之出入凡失財用物辟名者誅之其足用長財善物者賞之夫君相守恭儉不尚未作使民務本此足用長財之要

也百官有司謹守其職豈敢踰越制度自以足用長財為事若劉歆之說是使百官有司不守三尺上下交征利摧剥其民以危亡其國之道非周公致太平之典也

足用若蕭相國之餽餉不絕長財若劉晏之轉運有方善物若夫子之畜蕃息也今必以為摧剥其民不有良吏因天地之利而裁之使上下俱足者乎

先王之制凡官府次舍列于庫門之外所以別內外



嚴貴賤也今宮正乃北宮中之官府次舍之衆寡又  
曰去其奇衰之民則是妃嬪官吏衆庶雜處簾陛不  
嚴而內外亂矣

官府次舍王公之旁用男后宮之旁用女所謂民者男  
則為府史胥徒女則為女宮女奚此周之宮衛為至善  
也豈妃嬪與官吏衆庶雜處哉

宮伯掌王宮之士庶子鄭玄以為諸吏之適庶宿衛  
王宮者也天子深居九重面朝後市謹之以門衛嚴

之以城郭溝池環之以鄉遂縣都藩之以侯甸男邦  
采衛守之以夷蠻戎狄周匝四垂中天下而立定四  
海之民今周乃於宮中置諸官吏又以其士庶子衛  
王宮何示人不廣而自削弱如此也

自古篡弑之禍必在君側故宮衛極于嚴密至于王畿  
四海以漸而殺今謂士庶子之衛為示人不廣而自削  
弱豈嚴于外而內獨無備乎

王后之職恭儉不妬忌帥夫人嬪婦以承天子奉宗

廟而已今內宰凡建國佐后立市豈后之職也哉  
內宰佐后立市義見天文天市垣今以謂非后之職豈  
易家人六四富家之義哉

內小臣掌王后之命后有好事於四方則使往有好  
令于卿大夫則亦如之閭人掌守王宮中門之禁說  
者以為一官奄者墨者也婦人無外事以貞潔為行  
若外通諸侯內交羣下則將安用君矣夫人臣尚無  
境外之交曾為后而可乎

內小臣掌后之好事于四方蓋指宗國之弟兄姊妹及王內外宗之女以好禮而行或有言教之及所以聽天下之內治也豈謂外通諸侯內交羣下耶

古者不使刑人守門公家不畜刑人大夫弗養士遇諸塗弗與之言周公作立政戒成王以恤左右綴衣虎賁欲其皆得俊乂之人今反以隱宮刑餘近日月之側開亂亡之端乎

奄人之用以其便于男女之際自古所不廢也苟不用

此何以通內外之令乎其說詳見學禮通今錄奄人義  
古之王者守禮寡欲由義而行無所忌諱不畏災患  
今天官旬師乃曰器事代王受青災此楚昭宋景之  
所不為者也而周公立以為訓開後王忌諱之端乎  
女祝掌宮中禱祠禳禴之事夫祭祀之禮天子公卿  
諸侯大夫士行之於外后妃夫人嬪婦供祭服籩豆  
於內凡天地宗廟山川百神祀有典常又安用此么  
麼禱祠禳禴於宮中此殆漢世女巫執左道入宮中

乘妃姬爭妬與為厭勝之事耳劉歆乃以為太宰之屬置於王宮其誣周公也甚矣

鬼神之事愚夫愚婦之所酷信而吾夫子之所不語者五峯此論甚善蓋商俗尚鬼甸師代王受青灾之事不出于臣子之至情后宮女巫者正所以正其祀典不得妄為淫祀也其說見于甸師女祝下茲不詳著

冢宰當以天下自任故王者內嬖嬪婦敵於后外寵庶孽齊於嫡宴遊無度衣服無章賜與無節法度之

廢將自此始雖在內庭為冢宰者真當任其責也若  
九嬪之婦法世婦之宮具女御之功事女史之內政  
典婦功之女功乃后夫人之職也王安石以為統於  
冢宰則王所以治內可謂至公而盡正矣夫順理而  
無阿私之謂公由理而無邪曲之謂正脩身以齊家  
此王者治國平天下之定理所自盡心者也苟身不  
能齊家而以付之冢宰為主悖理莫甚焉又可謂之  
公正乎噫安石真姦人哉

正身以齊家此誠王者之事但古者后夫人必有師保  
姆氏之教故設內宰以主之而內宰又屬之冢宰此其  
事之相承也且周禮定為一王之法不有幼冲之君生  
長深宮未閑庶務者乎此內治所以必屬之冢宰也

四方貢職各有定制王者為天下主財奉禮義以養  
天下無非王者之財也不可以有公私之異今大府  
乃有貳貢之餘財以共玩好之用不幾有如李唐之  
君受裴延齡之欺罔者乎玉府乃有王之金玉良貨



賄之藏不幾有如漢桓靈置私庫者乎內府乃有四  
方金玉齒草良貨賄之獻而共王之好賜不幾有如  
李唐之君受四方羨餘之輕侮者乎

四海職貢皆天產國家府藏皆公帑周禮未嘗以為自  
私然用有大小則內外府所掌亦有大小之異物有精  
粗故玉府所掌多以為上用之貯豈謂內府在內玉府  
主良貨賄遂謂天子私蓄乎至其所謂式貢之餘正以  
其合于式法用而有餘初非取于民而羨餘其所謂玩

好好用皆在式法之內司會之屬所考會者其義見于大府司會覽者詳之

王之裘服宜夫人嬪婦之任也今既有司裘又有縫人屨人等九官則皆掌衣服者也膳夫酒正之職固不可廢又有膳人鹽人等十有六官則皆掌飲食者也醫師之職固不可廢又有獸醫等五官皆醫事也宮幕次舍之事固不可廢而皂隸之所作也亦置五官焉凡此既不應冗濫如是且皆執技以事上役於

人者也而以為冢宰進退百官均一四海之屬何也  
漢興經五霸七雄聖道絕滅大亂之後陳平為相尚  
不肯任廷尉內史之事周公承文武之德相成王為  
太師乃廣置宮闈猥褻衣服飲食技藝之官以為屬  
必不然矣

羞服室醫嬪婦女工並統于太宰者此正周禮格王之  
要道異于後世之治也今以為廣置宮闈猥褻服食技  
藝之官屬是豈宮中府中均為一體之意哉

其未則又有夏采之官焉專掌王崩復王者也嗚呼  
安得是不祥之人哉禮官臨大變一時行之可矣乃  
預置官以俟王崩而行其職何不祥之甚也

自古盖有死而復生者此復之禮所由始也復而復焉  
莫大之幸乃死中求生非死而致死之謂故不繫于器  
禮而繫于天官也歟

太宰之屬六十有二考之未有一官完善者則五卿  
之屬可知矣而可謂之經與易詩書配乎

胡氏謂即太宰六十屬無一官完善愚則謂無一字可  
易人之識萬有不齊如此今特畧為辨釋其妙旨詳見  
各職下未暇枚舉學者以身體而酌行之自知所失得  
云

辨舒氏非周禮

移易周禮設官 凡二十條

籩人 鹽人 鹽人 冢人 五官以朝事  
饋食為重祭祀固屬宗官况與司尊彝為類宜屬宗

伯

遶鹽鹽皆獻酒所薦鹽亦遶實冪尤酒鹽之所須且並  
奄女為之故並屬酒正

掌舍 幕人 掌次 吳氏屬宗伯以頻舍供帳乃  
禮官之職也舒氏謂與匠人營國之意相表裏事典  
之職守明矣

王之宮室天官莫大之職在國為宮人在外為掌舍故  
三官為宮人之屬

夏采 吳氏舒氏皆謂掌大器以冕服復于太祖為  
禮官之事

禮曰復而不生斯不生矣而後死事始也是忠孝之至  
也故為天官之終

鼓人舞師大司樂俞氏以鼓舞二官并隸于春官之  
大司樂舒氏則以大司樂二十官并屬於大司徒

樂與禮聯事故大司樂為春官之屬鼓舞動民之具故  
鼓舞二官為教官之屬且地官教萬民春官教國子故

鄉遂升之司徒司徒升之太學各有所司矣

載師閭師縣師遺人均人俞氏舒氏並謂為司空之屬

遂人至司稼三十六官俞壽翁氏謂為司空之舊舒氏是之

按前人之說大約以遂人序官與五官相同觀五官之貳皆中大夫二人其考若宰夫鄉師肆師士師皆下大夫四人旅皆下士三十有二人其數無一異至于下士



稱旅唯五正卿為然各屬無有稱旅者其為冬官之缺無疑故謂遂人即小司空而遂師即匠師也愚謂有鄉即有遂故秋官有鄉士則有遂士其餘舉州即曰里未可以有可以相離者司徒主教民鄉遂二職皆相通司空主集事則鄉遂又各自有職豈司徒有鄉無遂司空有遂無鄉哉今考各職在地官自有不可缺者遂人制其田里教之樹畜也虞衡上下草木鳥獸也載師任土作貢也倉廩土地之所出也春饔養之義也何莫而非地官

之事若司空之職自有若冬官補義所陳茲不復贅

饒人舒氏去此官

稟人吳氏并于饒人與春人俱屬宗伯舒氏以司隸  
有女子入于春稟之文以春人并于司隸為司空之  
屬

動物天產供于天官植物地產供于地官饒稟職有精  
粗正與內外饗相符不可移亦不可去

司服王氏歸司空舒氏謂當從司裘內司服之類屬

天官

衣服本宗伯職內司服屬之天官者以后夫人之事皆統于冢宰故自春官而析也烏得以其本屬者而盡去之哉

世婦

按舒氏云是職也必以卿大夫士之命婦克之甚合禮文但旁引春秋禮記有宗婦之文因欲易世婦為宗婦愚謂世婦官有定員非凡宗女之混稱宗婦即內宗外

宗凡宗女婦人有爵者之通稱也觀春秋莊公夫人姜氏入宗婦覲用幣正以宗女出嫁之有爵者人多有未見而行見禮也使以此之世婦易為宗婦則相見者豈止此數人而已乎當仍舊作世婦

巾車 典路 車僕 司常 俞氏王氏謂治器物

以備用工人之事歸之冬官舒氏謂同軌天子一諸侯之大政而車馬旗旒皆征伐之用屬之司馬

車服以庸名分之大閑禮之大端也車旗聯事故並屬

掌邦禮者

內史 外史 御史 俞氏舒氏謂內史紀言外史  
紀事以贊王不及御史贊冢宰不及而糾察之竝宜  
列于治官

太師禮法之宗內外史者主出入王之命令御史主執  
持法令故為太史之屬而列職禮官若左史書言右史  
書動本屬冬官而亡之今以內史為紀言外史為紀動  
經無此文而妄加且史事領于宰臣則得以緣飾而勸

戒為虛文爭臣屬之宰臣則得以比周而獻替為故事此皆後世之大弊何為不察而欲紊亂聖經耶

司勲 吳氏以小臣進治宰夫考治移屬冢宰舒氏引左傳王賜叔孫豹路司徒書名司馬書服司空書勲乃司空之屬

愚謂司空當與考功之事故書其勲此為有理但進賢興功以作邦國乃司馬之大政凡有勲者司馬之屬等之司空之屬書之各無妨也

小子羊人吳氏以供祭祀移屬宗伯舒氏引詩無羊  
為考牧之詩以牛羊並稱而歸功牧人當從牛人屬  
之司徒

六畜稟性于乾坤木火金水各有所屬見于易大傳故  
六官各有所供詳見充人條下

司燿吳氏謂與秋官司烜皆祭祀之事合麗宗伯舒  
氏謂與凌人同為輔相天地之宜燮理陰陽之節當  
為太宰之屬

冰之藏啟火之出入為變理之事此理至實但大宰有是職而司馬獨無是責耶且宰相之所謂變理者自有其本豈止于冰與火耶凌人與酒以類附火為夏氣自屬夏官

掌畜舒氏謂數牧養蕃鳥獸而復有共貢之責合歸冬官

天文南方為朱鳥故掌畜屬之夏官

方相氏舒氏謂狹褻袞袞除之類與祝等也合為宗官



執戈揚盾武事也

大僕小臣御僕祭僕隸僕舒氏皆屬宗伯

五職雖有大小貴賤皆主給事于王所正王躬以正朝廷司馬之事莫大于此者祀神之事極煩故別為祭僕一職隸僕掌官寢小事因附屬焉豈可因有祭僕與五寢之文遂屬之禮官耶

弁師俞氏以為工之事歸司空吳氏以為冕弁禮官之事屬宗伯舒氏以與司裘屨人為類屬天官

首服夏象也

伊耆氏 吳氏以屬宗伯舒氏謂養老尊賢以教孝  
合隸司徒

秋之為德物成而養之天文井宿列象西南坤方養之  
義也其附星有丈人孫子主子孫孝愛以待老人伊耆  
氏列職秋官有以哉

大行人俞氏吳氏以為春官禮儀之事舒氏以親諸  
侯乃王政之大列之司馬

愚謂賓于四門在虞廷為四岳之專官周設六卿而他官以類而屬故以行人屬于春夏二官亦皆有理但六屬者聖人既擬議之使繁簡相等固不必妄有所更易且舒氏云負固不服犯令陵政則九伐之法有所不貸故以為當屬司馬然出禮則入刑以刑官而掌賓禮使夫用賓于王者常懷警畏雖司寇之禁亦無所用而又何俟司馬之兵此其用意為更微妙耳

朝大夫

舒氏以冢宰掌治而此官掌都家之治故用為大宰之首屬似乎有理但都士家士掌上治中而方士主之都則掌八則朝大夫掌都家之治于國者必因之蓋凡都家治法並掌于刑官即大行人屬于秋官之意所以不可易也

舒氏刊去周禮元官

凡七條

司書六官之屬莫不有史史即司書也此官既濫而其職文亦無條理非偽之當剔耶

按各官固有史以司書司會事煩故特設此職猶之天之諸府春之諸史司市之胥豈可謂各官已有府史胥而不應有此職耶不得為濫

土均 司徒職曰以土均之法辨五物九等制天下之地征遂人職曰以土均平政辨其野之土上地中地下地以頒田里蓋與土均所掌平土之政云云無不脗合此官蓋衍苟如此重複建官則土會土宜土圭皆當置一官矣

按周公設官凡舉其綱則必有其屬故土均一事大司徒先陳之而載師之下有均人遂人復陳之而其下有土均其職掌如此胡可以去之哉故土宜則有草人以物地相其宜而為之種土圭則有土方氏掌土圭之法而建邦國都鄙至于山師川師邇師莫非所以掌土會之法其相承而不可缺類如此焉得謂之重複耶

鯀人 乃內饗世婦舍人之事官幾冗濫而文且無章今剔之

辨見前

掌鬯春秋傳云候不在鬯謂候人掌鬯也序職必偽今併其官剔之

掌鬯掌封鬯之完全墜圯候人掌賓客之出入于鬯其職殊絕不可相併

土方氏詳此官職文土圭之用具見大司空及典瑞而土宜土化則草人稻人之所有事也土方氏安所用哉職方氏掌天下之地周知其利害使同貫利非有土方氏

安得詳其節目乎大抵周禮每事皆有官聯以土地一事言之司空居四民司徒教樹畜職方任職貢司會掌會計故並掌土地之事耳豈可以其無與兵事而遂去之哉

罪隸 蠻隸 閩隸 夷隸 貉隸 舒氏于下四職

並取其文附于罪隸而沒其官

按罪隸掌有罪而收奴者下四隸乃蠻夷之効順而服役者其人既不同且四夷其氣習職守各異安得合于一官哉布憲正月之吉小司寇帥其屬觀大司寇所布刑象



之法矣此官復何為其偽昭然今剔之

愚謂大司寇所懸目之所及者止于王國鄉遂而已有  
布憲而後及于溥天之下也且又不觀小司寇云令羣  
士宣布于四方所謂羣士非布憲之謂乎

舒氏刊去周禮經文

凡十四條

冢宰待四方之賓客之小治 賓客之小治有訝訝  
治之非冢宰之事九字偽

秋官掌訝云凡賓客之治令訝訝治之訝士云凡四方

之有治于士者造焉蓋賓客之治掌訝通達之訝士治之訝士有不能平者將安之乎小則冢宰聽之大則王親聽之也

宰夫叙羣吏之治以待賓客之令諸臣之復萬民之逆臣民復逆大僕小臣御僕之專職十九字偽

復逆之事大僕等接受于外內史等承受于中若然則冢宰不得以與聞乎唯宰夫主肅朝儀掌叙事之法故太宰于事無所不統也不然何足以贊聽治乎

內小臣正其服位四字 詔后之禮事相九嬪之禮  
正內人之禮事十七字 此皆內宰之守也內小臣  
豈得干耶故知其偽

內小臣專在后所猶王之大僕御僕也序官云奄士  
四人具賢可知內宰特監臨之而已寺人舒氏亦去其  
佐世婦治禮事義同

內史 太宰八柄其文加詳用以易之

太宰掌治法內史掌典章其事相須

司會九貢九賦九功九式之法錯出大宰之文蓋致財用均財用非司會計者之事也故知其偽冢宰制國用司會佐冢宰為計相故其職掌同

大司徒大荒大札則令邦國移民通財舍禁弛力薄征緩刑荒政十有二以聚萬民視此加詳故知此文之偽

荒政十二施于國中此施于邦國故詳畧不同

大司樂

樂經既亡樂理不傳不知其是安知其非

封人為畿封而樹之封其四壘造都邑之封域者亦如之封人職在牛牲其設社稷之壇有事乎神也若畿封封四壘則固大小司空之事豈封人之力所能及哉

地官主土地故設封人掌封壘之事有土而後鬼神得以血食故牛牲特其兼職耳今反以為職在牛牲非也又謂畿封為大小司空之事而于此無與亦非也司空

興役任衆司馬制其畿壘司徒率其徒衆守其疆域安得與此無與耶

大史所掌者禮事今日建典與夫掌法則之事則太宰之職辨法貳約劑則秋官司約司盟之職故知其偽

天官掌其治春官掌其禮未有能外于法則者

大司馬以九畿之藉施邦國之政職一章乃職方氏之錯簡也畿字皆宜作服國畿作王畿以入于職

方氏則於彼無疑誤於此無偽經矣

大司馬職首曰制畿封國以正邦國故掌九畿之藉施其政職而職方氏復辨之安得反以此為偽乎

射人 此官在周官非常設者有事于射則特設焉  
今觀自國之三公至掌其治達六十七字蓋錯出宰夫小宗伯而且逸也安知其非偽耶

在朝詔相其法國事詔相其事射則治射政軍事則掌羣左安得非常設乎

金史卷一百一十五  
卷二  
大史內史司會及六官皆受其貳而藏之 邦之大  
盟約司盟司約有專職矣司寇統之天府藏之正欲  
嚴密其事不以為訓也六官皆受其貳何耶且既曰  
六官則大史春官之屬內史司會天官之屬何政之  
多門耶故知其偽

天府主明神大史主禮法內史司會以考治皆從其長  
官非政出多門也大事六官皆與故竝藏其貳與大亂  
則六官辟藏相成



士師若邦凶荒則以荒辨之法治之令移民通財糾  
守緩刑

此荒政十有二之四目也蓋事官之事而非刑典故  
知其偽

司寇掌除盜賊而治荒辨之法者以凶荒易于為盜救  
其本也此周禮之刑官所以異于後世何獨于士師而  
疑之耶

柞氏掌攻草木  
草字衍柞氏攻木難氏殺草各專

一職況其職唯曰凡攻木者掌其政令而不及草乎  
愚按去草字甚當

舒氏更政經文凡二條

大司徒之職掌明人之五倫以佐王協和萬方  
下繼之以因此五物者民之常而施十有二教焉  
大  
宗伯之職掌建邦之五禮以佐王建保邦國  
下繼  
之以五禮

按舒氏之說似有理矣但五官之首皆平叙其所掌之

事而其最要者為先非謂首一節即該下文數節之義  
故大宰則先之以六典而後及于八則八法司徒則先  
之以地圖民數而後及于土會十二教宗伯則先之以  
天地人之禮而後及于五禮司馬則先之以九法而後  
及九伐之法司寇則先之以三典而後及于五刑例皆  
如此且舜命伯夷典三禮即此神而鬼三者周官職掌  
本虞廷耳仍舊何不可子言之吾猶及史之闕文補之  
不可況改之乎

舒氏辨前人移官之非 凡二十六條

天官 甸師 吳澄氏以屬宗伯 芬謂冢宰掌邦治天子耕藉以帥先天下亦治之本况周之先公實以農而立國觀詩之七月書之無逸周公惓惓以稼穡為成王告則以甸師屬冢宰而訓後王亦自有深意豈可以其有共築盛之文耕為三春之事遂屬之宗伯乎且其職以薪蒸役內外饗則類有所聯固不得而苟析也

獸人 獸人 鼈人 俞壽翁氏以歸司空芬謂獸人云凡獸入于腊人腊人固內外饗之類鼈人云以授鹽人猶所謂入于腊人獸人共王膳羞則亦庖膳之類其職與膳夫庖人當以類屬

食鹽 吳氏謂其文無一字及鹽療事止言調和膳羞當去其職而取其文合于內饗芬謂素問言不治已病治未病食鹽正治未病之事況百病多生于口腹而養生固以五味五穀為主哉

獸醫 俞氏以為司空之屬但此官與醫師以類相從

況所謂人無大札物無疵癘尤為大君宰相之事哉  
俞氏以司裘典絲典枲染人追師屨人為冬官之屬吳  
氏以司裘內司服追師屨人移麗宗伯芬謂冢宰掌  
邦治所謂治典者亦惟求之王身耳求之王身道德  
其本故其官屬有膳夫酒正以謹其飲食之節司裘  
內司服以謹其衣服之制宮正內宰以謹其左右侍  
御之選擇皆關于心術之微而遏絕人欲之萌者也

膳夫明則獸人獻鼈可以類屬司服明則典絲典象  
可以類屬其餘若凌以輔燮調之功而致天地之和  
鑿以慮疾病之變而躋民物之壽則調元贊化爲冢  
宰之職又不必言者唯夫天府以下八職皆財賦之  
官不已屑乎蓋九貢九賦九式見于大宰小宰之文  
而王制有冢宰制國用之說孰謂財賦非冢宰之事  
乎惟此官屬于冢宰是以無不經之費雖王及后世  
子之匪頒好用亦有式以制之也

女祝 吳氏謂合麗禮官且祕祝之官賢君所去宮中  
用此必有巫蠱等禍此職宜刪芬謂先王敬鬼神以  
明民雖詛祝亦不之廢况禱除疾殃祠以報福若鄭  
氏所謂門戶竈者可以后之宮中無此祀耶故屬之  
宗伯則可刪之則未可

地官 鄉師 吳氏以屬司空謂考司空之辟以逆其  
役事也芬謂各掌其所治鄉之教與夫羞牛牲歲終  
考六鄉之治國大比考教察辭是皆教官之事固司



徒之屬不可易也

俞氏以封人為邦土之事以歸冬官吳氏以其所掌與  
牧人充人牛人皆祭祀壇壝牲牷之事合屬禮官芬  
按左傳楚城沂使封人慮事以授司徒今有封國設  
其社稷之壝封其四壘之說則司徒之屬明矣又大  
司徒奉牛牲封人飾其牛牲與牛人皆當屬司徒無  
疑而牧人充人亦以類屬矣

司市至司關十二官 吳氏以司市質人廛人賈師肆

長泉府司門司關八官移歸司空胥師司競司稽胥  
四官移屬司寇芬謂教以五倫三物固足以成其道  
藝然不正其所習而先之以義利之辨則耳濡目染  
物欲之感化不難矣故習莫謹于市而百貨利之所  
也過市之罰自國君始則謹耳目之習而嚴義利之  
辨者予教道又何加焉此司市諸職所以列之教官  
也若司競四官亦因市而設且與賈師肆長聯序又  
烏得別屬哉

春官 天府 俞氏移屬天官芬謂掌祖廟之守藏固  
宗官之事况陳宗器釁寶陳玉貞歲何者非禮官之  
事耶其藏治中者示有尊而不敢專也詔察羣吏者  
受其治中則知其能否不敢不告也以為天官之屬  
者蓋亦未之思歟

典瑞 俞氏以歸司空謂其職為治器物以備用則工  
之屬也芬謂其所掌乃玉瑞玉器之藏與玉之名物  
用事之辨也通職無追琢意豈可以為工事况小宗

伯有作六瑞六器之文典瑞為之屬正綱維體統之  
相關也

冢人 墓大夫 俞氏以歸司空芬謂二官亦哀死亡  
之意且兆域地域昭穆族葬丘封之度固皆有禮儀  
而甫窆祭墓又皆為之尸其屬宗伯厥有旨矣

大卜至眡祲八官 吳氏移屬天官芬謂卜筮者先聖  
王所以使民信時日敬鬼神決嫌疑定猶豫以神道  
設教者其官為宗伯之屬亦以交于神明之故所謂

知鬼神之情狀也復何疑哉

大史 小史 俞氏以屬天官芬按二官所職亦禮典  
如曰讀禮書協禮事頒朔讀誦賜謚奠系世讀禮法  
詔王忌諱序昭穆俎簋國事之用禮法掌其事可見  
矣俞氏徒見職首有建典掌法則遂治之文遂以為  
冢宰之事是未知有官聯與官常也

馮相氏 保章氏 吳氏以屬天官芬按國語單子謂  
魯成公曰吾非瞽史焉知天道是知天道乃大史之

事月令曰乃命大史守典奉法司天日月星辰之行宿離不貸亦見天文為大史之事大史職有抱天時與大師同車之文故二官為大史之屬大史掌一切禮書而屬之宗伯則二官當以類附矣

夏官 司士 吳氏移屬天官芬謂司馬掌邦政則爵祿政之大者王制司馬辨論官材亦可據也

節服氏 吳氏移屬宗伯芬謂節服所掌非祭祀朝覲也朝祭之時維王之大常執戈送迎尸而已故官屬

典兵

司弓矢 橐人 俞氏移屬冬官芬謂作兵器者附典  
兵之官則事有統屬而功可以責成後世政權散寓  
以防臣下之專固非正大之體然倉卒有變則彼此  
牽制而不肯獨任其咎乃知此官屬之司馬厥有旨  
矣

訓方氏 匡人 裨人 吳氏移麗司徒謂其職文皆  
訓迪教化之意也芬謂周之六卿實以三公兼任則

教王而論道司徒亦不得而專况周公設官雖內小  
臣之奄亦必擇上士為之豈以輔成王德而專責之  
司徒一官哉故五官之屬有為啟迪王德而設者皆  
不易可也惟此義不明後世遂以輔導啟沃專委以  
館閣侍從之臣六卿雖兼師保輒自諉以有所司於  
君德昏明惛然無所動于中吳氏不知周公設官立  
極之精意乃如是哉

秋官 司民 吳氏以歸司空芬謂鄉氏遂氏皆有掌



民數之文則司民之屬司寇未見其不然者況秋成  
物之時秋官獻民數豈無謂哉今觀其文有王拜受  
之登于天府彼司寇見明王之重民數如此於決獄  
也寧不戚焉動其不忍之心與民求生而不得然後  
置之刑也司民之屬刑官周公欲人知民命之重也  
犬人 吳氏移麗宗伯王次點氏以歸冬官芬謂犬金  
畜也象在降婁守夜吠盜有詰奸慝之意故古人謂  
獄為犴狴犬之屬司寇豈錯簡哉

司隸至貉隸六職 吳氏移屬司馬芬謂罪隸役百官  
府蠻隸役校人閹隸役牧人貉隸役服不皆由司隸  
掌其政令亦若掌戮所司墨者使守門劓者使守關  
宮者使守內則者使守圜髡者使守積皆為司寇之  
屬無疑也況所謂搏盜賊守野舍役凡囚執人之事  
固司寇詰奸慝之意耶

雍氏 萍氏 柞氏 雍氏 吳氏移歸冬官芬謂四  
官皆詰禁殺伐之意非有生植阜蕃之功其為司寇

之屬烏見其不可哉

司烜氏 吳氏移屬宗伯芬謂王之大祭祀禋祀五帝  
卿大夫皆執事則司寇奉犬牲奉明水火亦少致其  
駿奔走之意耳豈以五官具在而獨司刑不與耶書  
言典獄惟克天德自作元命配享在下是用刑之極  
功可以作命配天顧不可以與祭耶明水火雖祭祀  
之用而舜命臯陶作士則曰惟明克允是明乃司刑  
者之第一義也司烜之列明水火之奉蓋有深意矣

銜枚氏 吳氏移屬司馬芬謂司囂者朝會時伺察誼聲也令禁無囂者祭祀時禁止誼聲也令銜枚者軍旅田役時人衆則非伺禁所能及故令各銜枚自無誼聲也又云禁踴呼嘆鳴者蓋誼聲之變禁之恐惑衆也凡此皆詰禁之意故列之司冠豈可以具有軍旅田役之文而遂以為兵家之用哉

掌訝 俞氏吳氏皆以屬宗伯芬謂司冠之屬有訝士而此官亦以訝名若迎賓訝治之文皆相表裏且周

之秩官國賓至司寇詰奸則此官屬之司寇不無謂  
矣

應電按前人移官自以為是矣舒氏辨之而仍舊今掇  
其要旨而諦觀之確然有理乃知前人枉費心力徒得  
罪于聖經而無益于治也孰知舒氏又自陷前人之失  
使後之視舒亦如舒之視昔悲夫

辨季氏非周禮

引孟子証關市山澤之賦

文王治岐關市幾而不征蓋初立國其用甚寡故無征  
周禮未嘗征商但有市地之廛布其餘次布質布罰布  
皆罰犯禁者之布唯總布乃收賤丈夫之布關亦無征  
但舉其貨之不出于關者耳文王澤梁無禁七十里之  
圉芻蕘者往焉雉兔者往焉此亦謂自岐遷豐土壙人  
稀故不設禁令周禮林木則令萬民時斬材有期日川  
則以時舍其守澤則頒其餘于萬民田獵則大獸公之  
小禽私之豈若後世之專利乎其不得不有禁者生齒

日繁山澤有限小民誅求無厭使物不得遂其性林木必至于童赭禽獸必至于絕類寶藏必至于泄天地之精且有爭奪盜竊專利作亂之禍故禁網之密皆為民守之孟子與時君言每舉其不征不禁而于其屢與禁則不言者蓋當戰國時以救民陷溺為主如曰天下之商皆悅而願藏于其市天下之旅皆悅而願出于其途教時君致王之道以收人心為先非治定功成立立法創制之時故言有未備耳胡乃遂據之以非周禮哉即如

高帝入關約法三章至定律令奚止于此若必泥于關  
市無征澤梁無禁則凡司市所立偽飾之禁王制所陳  
不中于王法之禁肆無忌憚豈為國之道且山澤有自  
然之利而不取以佐國用逐末之人獲厚利而不少征  
其廛皆初立國之時則可苟天下多故國用不足取未  
作之有餘寬務本之征歛有何不可是故管仲之富國  
強兵漢武之征伐四夷咸取足于是彼議鹽鐵者欲如  
上古弛山澤之禁季氏至謂先王于商賈反加厚于農



民不亦迂乎

引禮記証鄉大夫征役之重

祭義曰五十不為甸徒謂不供丘甸內輓漕興作之事也王制曰五十不從力政謂不從公家一歲三日之役也又曰六十不與服戎謂不與甲兵戎馬之事也孟子曰頒白者不負戴于道路老者衣帛食肉然則此云國中自七尺以及六十野自六尺以及六十有五皆征之不已重乎按內則云六十曰耆指使七十曰老而傳此

所以待君子之道盖老者更事多典故熟可以為人之  
長故必待七十而致事然則五十者雖不為甸徒不從  
力政其膂力尚彊者獨不可為什伯之長乎六十雖不  
與服戎其未衰邁者獨不可為之固守衣裝等事乎故  
必六十以及六十有五然後謂之老而優之倘有罷僊  
不能行則又謂之疾而寬之矣是則與祭義王制孟子  
之言實未嘗悖其視內則所以優君子之道國中輕十  
年野民輕五年矣安得謂之重乎

引孟子班爵祿之制

孟子曰天子一位公一位侯一位伯一位子男同一位

天子絕尊大物不過十二守圭車旗服食禮儀等皆如之法天數也諸侯自為五等無有天子下倫其中者子男異爵亦不可同一位孟子此言蓋東遷已後天子久倫于諸侯至七國時諸侯僭王名分不辨已久故不致詳耳

孟子曰公侯皆方百里伯七十里子男五十里

周人侯國之制命爵五而其等則三故司儀云公於上等侯伯於中等子男於下等公無與侯同等之禮其受地亦五而所食則三故公侯伯子男五等封國地方各有差而其食則公四之一侯伯三之一子男半公竝無與侯同受地之法但齊魯等國皆以侯爵而入為周之上公後世因襲之弊皆用前人工公之禮孟子習見當時之事遂謂公侯同等

夏殷周授田不同

李氏云夏時地未盡墾則田少殷地漸墾則田增至周益墾則田多以五十畝變為七十畝以七十畝變為百畝截長補短隨地制形不過易一經界而已豈必截然正方區分為九列如井字整如棋局哉後儒止因拘于周禮溝遂之說取必于方祇見其難行耳乃併以孟子為傳聞其誤後學甚矣

朱子曰嘗疑孟子所謂夏后氏五十而貢殷人七十

而助周人百畝而徹恐不鮮如此先王疆理天下之初做許多畎澮溝洫之類大段是費人力了若是自五十而增為七十自七十而增為百畝則田間許多疆里都合更改恐無是理孟子當時未必親見只是傳聞如此恐亦難盡信也

應電按三代授田有五十七十百畝之不同者皆因步有多寡否則尺有長短耳步有多寡者如古以步百為畝自漢武至今以二百四十步為畝故殷人以一百四

十步為畝則七十畝當周之百畝夏后氏以二百步為畝則五十畝亦當周之百畝也謂尺有長短者如三司布帛尺以十二寸通用尺十寸周尺止六寸有奇蓋周建子度從黃鍾起數故尺短殷建丑度從大呂起數尺差長夏建寅度從太簇起數尺尤長其說亦通不然經界豈易事而可如是紛更乎經界既移則廬舍亦當盡為改造且每井田中必鑿一井以備汲灌此井田之所以得名也亦將盡為改鑿乎蓋井田起于黃帝至少康

云有田一成則井十為通通十為成之制已久夏后氏亦非全用貢法也

匹夫匹婦之供

季氏曰天子畿內提封百萬井諸侯之國提封萬井每井公田百畝當有百萬畝每畝約收粟一石八斗當一百八十萬石一井八家每家姑以匹婦為率當為八萬婦每婦約收布絹二匹當為十六萬匹而絲絮不與焉



每畝粟一石八斗不有上中下三等之田乎一萬井為八萬婦不有一夫耕三夫之地者乎每婦收布絹一匹公家不太多私家不大苦乎

季氏又曰姑以一夫百畝家女工計之大約歲得布帛共二十匹為率亦十而取一焉輸于官者雖輕亦當有帛一匹布一匹與夫絲絮之徵而所存一十八匹與絲絮之收則帛以衣老者布以衣餘人絲以供他用皆自治其私焉

載師任民之法云任嬪以女事貢布帛此九職之一耳  
又云無職者出夫布則有職者不出明矣竝無一槩征  
布之說漢初亦無布帛之征晉唐而下始有布帛之調  
孟以戶授桑田故征其所有也孟子布縷與粟米力役  
竝征要亦戰國之橫斂豈可以之為據限為匹婦所得  
之布帛而欲戶征之乎且婦人工拙不齊匹婦一歲得  
布帛二十匹此婦之工而且勤又必食于人者而後能  
之設有數兒女日常有井臼餽饁之事又有疾病變故

安得以二十匹為率以此施之于政當甚于青苗之害  
矣

居民井田俱以伍紀

季氏云井田每井八家而比閭以五起數若使五家  
相保則餘三家又當割別井二家湊合成伍豈不紛  
亂耶豈周制本以五井各相連保在鄉謂之比而積  
至於鄉在遂謂之鄰而積至于遂在軍緣比而遂為  
伍兩卒旅之編數盖井出一家家出一人即左傳所

謂廬井有伍之法通乎天下侯國故比閭族黨之名  
由此而起而遂得通稱之耳若天子畿內自當以五  
十井出五人或五井十年一更番而為伍寬於諸侯  
十倍矣改其鄉遂之名亦不異也

井通成終同疏導以十井邑丘甸縣都出賦以四比閭  
鄰里主教訓伍兩卒旅主師田數皆以五各自立法各  
自起數不可相掣合左傳所謂廬井有伍者謂邑居井  
田中使其民皆有卒伍之法想當時兵法廢壞子產能

舉之故稱之也豈謂以井田立為伍哉季氏二卷言一井出三人四人而此言井出一家家出一人何自相背戾耶且天下之民一也畿內寬于諸侯十倍則諸侯之民又胡以堪命耶

萬人為一軍

季氏云魯頌曰公車千乘公徒三萬管子小匡篇曰管子作內政寄軍令三分齊國以為三軍萬人為一軍三軍教士三萬人齊桓軍制與魯頌必合古法也

三軍為三萬人則天子六軍當為六萬人矣周禮以萬二千五百人為軍內多二千五百人本四師萬人也後人多加一師耳鄉亦多加一州遂亦多加一縣周禮軍制五師為軍四為四方其一中軍也故八陣則并中握奇為九六花則并中軍為七制軍未有空其中者鄉遂教訓其居民之法亦用是數者蓋亦寓兵于農之意耳魯頌舉其成數猶詩三百之云管仲更周制蓋欲新一國之耳目且一直洞達使人易曉亦王變為霸

之道今謂萬人為一軍至鄉遂之數亦皆至萬而止凡  
司徒司馬制民制兵良法皆為妄加之數不知孰為妄  
耶

調兵先近後遠

李氏引春秋左傳疏曰古者用兵天子先用六鄉六  
鄉不足取六遂六遂不足取公邑采地及諸侯邦國  
若諸侯出兵先盡三鄉三遂鄉遂不足然後總徵境  
內之兵

先儒之說曰天子六軍出于六鄉為正軍六遂亦六軍為副此說非也天子六軍必兼鄉遂縣都而均用之若果兵不足亦當均調苟先鄉次遂以漸而及于遠則鄉民何獨常勞苦耶至于賦不止盡其公邑采地徵兵諸侯則王畿內外皆空國而戰耶且天子討而不伐所謂六軍者常以之擁護乘輿耳用以征戍乃後世失德諸侯不王之弊先王之時何嘗用畿內之兵以征討耶諸侯之軍亦當于合境中均調所謂賦猶不止乃後世發



閭左之法也

季氏謂公邑采地不以為軍然則立都家司馬何為大司馬頒旗物家以號名又云在軍責其有司皆指采地之軍也既謂公邑采地不以為軍而又是左傳之疏彭山之說自相背類如此

王畿侯國地方里數

先儒紛紛之說以為王畿中鄉遂都鄙輕重異制畿內外寬簡異法三等侯國亦有多寡不同大率不明里數

以四面方里而計地少三倍夫孟子方里而井此方字為實故謂四面方一里為一井地方千里地方百里此方字為虛猶地面地土之云故以千貫一直而計四面各皆千里百里斯乃為實若以四面總計則方千里者止二百五十里方百里者止二十五里而已又泥于同十為封封十為畿之說地又少數倍不知同十為封者言自此已上乃司以封國若上公當有四十封之地十同者極小之封耳封十為畿者諸侯封國大者食實封

一百二十五里小者五十餘里故十倍之為畿耳苟封國止十同之地一直不過七十餘里齊魯諸國若費邑即墨皆原封疆也數百里之廣奚止于七十里十封之地為百同四面總一千里一直止二百五十里周都關中沃野千里又兼成周之地豈若是小耶至包咸何休氏謂一同百里即諸侯百里之地諸侯合有車千乘一同之地亦當出車千乘故謂一成出車千乘一通出車一乘夫一乘百人數不可缺也地有上中下約之為一

井四家數不能增也以四十家而出百人二家內應出五人有是理哉其弊皆因指定四面為百里又限于諸侯千乘遂為此說以合之也季氏以方里為井為一里故謂公侯之國方百里提封萬井為里者萬大國三軍則每井當出三人七十里之伯國當積五千里是半于公侯也次國二軍則每井當出四人子男方五十里為方里者二千五百里又半于伯也小國一軍每井亦當出四人此則不計侯國元出車之數止計具三軍二軍

一軍又謂每軍止萬人遂生一井出三人四人之說獨  
不思一井有上中下受地止于四家而出四人止可以  
供軍將何以耕田而別有所為乎馬氏則據司馬法成  
方十里出草車一乘以百井而出一車百里之封為方  
十里者百僅出車百乘不及千乘之數因增為三百一  
十六里有畸以附于周禮封疆四方百里之說季氏亦  
據成方十里出車一乘同方百里提封萬井出車百乘  
同十為封十萬井出車千乘封十為畿畿方千里百萬

井出車萬乘遂以謂成出車一乘積至百同為萬乘此  
畿內之制通出車一乘積至一同出車千乘此諸侯之  
制謂畿內地寬侯國地窄所以不同夫謂通出車一乘  
者固不足道若謂成出車一乘斯民亦不堪命謂天子  
之車止此萬乘亦限于四面總計為千里故不知有  
更休之法且天下之民一也豈有內輕外重遂差十倍  
之遠哉愚之計地以千貫一直而論中間所包有數倍  
之多故天子之地四面一直千里上公一直五百里至

男邦一直百里其地既廣名山大川不以封封內唯有小山川除其三分之一故以天子計之為田一千六百同每同出車百乘此乃備車之數猶今十排年人盡兵也通王畿一十六萬乘司馬法所陳是也有簡稽之數為更番調遣而設即府兵之制猶今之該年每十乘而稽其一通王畿內一萬六千乘經傳所稱天子萬乘是也有用軍之數為大師大田征行而設即後世從征之士猶今里甲之當直者天子止于六軍為大司馬教閱

之軍大雅棫樸云周王于邁六師及之是也其調遣之法于該年輪流而徧侯國之制亦每同出車百乘當有數千乘亦猶今之十排年也其簡稽之法十年一輪故止稱千乘至于所謂三軍二軍一軍者亦該年之當直者耳是故王畿侯國鄉遂都鄙出車之數竝無多寡不同斯民之役竝無勞逸異制自王國以達于四海均平徧所以為萬國咸寧之道也或疑禹會諸侯于塗山執玉帛者萬國武王伐殷諸侯不期而會者八百如周



禮侯封之大安得有此國數耶蓋公食者四之一侯伯食者三之一子男食者半則其餘皆為附庸且附庸之封必小不過一二同之地故寰內無害其為數千國矣侯國王畿出車不同

季氏曰馬氏引司馬法成方十里出革車一乘則以百井出一車也然百里之封為方十里者百僅能出百乘不及千乘之數則不得不增為三百一十六里有時以附于周禮諸侯封疆方四百里之說包氏註

古者井田方里為井十井為乘百里之國通計萬井適千乘也孟子言魯地方百里當有千乘包氏註與孟子合可見大國之賦十井出一車而百井出一車者則天子畿內之賦也

愚按計天子諸侯地方里數皆以一直論先儒俱以開方計之馬氏守成方十里出車一乘之說遂據周禮封疆方四百里以當千乘之數包氏守孟子諸侯儉于百里之說則以謂十井出一車以足千乘之數季氏兼存

之而分為天子諸侯不同之說然以愚觀之皆限于開  
方之法而失之者也百里之地為田十六同每同出車  
百乘為一千六百乘每歲簡稽其十之一為一百六十  
乘凡一軍之車一百二十五乘此正可以當一軍之車  
數而已苟無十年更休之法雖以百井供一車民不堪  
命况欲十井供一車耶侯王不同其說不足辨詳見終  
同圖說

畿內外貢助異法

季氏引匠人註云采地制井田異于鄉遂及公邑鄉  
遂與公邑之在甸稍縣都皆有貢而無助其餘稍縣  
都皆行助法 又云畿內用夏之貢法邦國用殷之  
助法

愚謂一國之民一也何分地之遠近天下之民一也何  
分畿之内外唯自國中以及于四疆以達于四海稅無  
重輕所以為王者大同之政其有不同者不過以地有  
上中下之等差則受之有多寡民有居之遠近則役之

有疏數重輕皆低昂稱量使無不均耳舊註謂周之畿  
內稅有重輕邦國之稅內外異法此不過因孟子請野  
九一而助國中十一使自賦遂生此說耳愚謂國中擴  
野之地即可為助野有隰臯之地即可為貢蓋不可泥  
也

### 大宰九賦

鄭氏註曰賦謂口率出泉也邦中邦甸家稍邦縣邦  
都此平民皆征此賦關市山澤謂占會百物弊餘謂

占賣國中斥幣皆未作當增賦者賈氏疏曰計口出  
泉無泉取財賄以當筭泉之賦如漢法出口賦泉人  
百二十以為筭也邦中遠郊甸稍縣都公邑之民出  
泉入王家六處皆是平民先王以農為本也關市以  
貨出入有稅物山澤取財亦有稅物以當邦賦所稅  
得之物貯之而官未用有人占會取之為官出息幣  
餘凡百官所用官物不盡者職幣得之不入府藏恐  
久而朽蠹則指斥與人賣之為官出息此皆口率出

泉增於農民若後世賈人倍算也馬端臨氏曰自邦  
中至邦都皆取之於民者其為地賦口賦不可知關  
市者貨所聚故有賦如後世商稅山澤貨所出故有  
稅如後世權鹽茶幣餘如後世領官物營運故取其  
息息即賦也

季氏云大宰九賦即春秋用田賦之所變也計田而  
出則曰田賦計口而出則曰口賦但田賦取于有田  
之人而口賦則盡乎農工商賈之族盖自田賦之後

以漸而增矣九賦多寡之數不可詳所存者漢算一  
百二十耳其名為治軍并車馬之用則漢賦實本九  
賦故疏曰如漢曰賦也古者山林川澤與民同利曷  
嘗有賦哉若商賈而取賦是征商矣斥占官物而使  
之出息是後世鋪家和賣之事也先王寬厚不繁之  
政必不為此中庸於百工曰來而征商自賤丈夫始  
則先王之寬商賈反有甚于農民矣故九賦非先王  
意也



應電謂口率出衆商貨取稅斥賣官物有息皆漢已後  
事註家以解周禮此其大誤季氏非之是矣但用是以  
非周禮不亦異哉蓋自邦中以至邦都皆田賦也關市  
則有廛布山澤之農亦有十一之稅此皆正賦與不征  
不禁竝行不悖豈關市山澤一聽于民而無所資于國  
耶何彭山見其一而不見其二也至凡農力倍而利薄  
工商力輕而利厚故棄本趨末小民之弊重農而抑工  
商王政之常乃謂先王之寬商賈有甚于民是何言哉

季氏論軍賦口賦


夫賦以出軍古所謂力役之征也受田百畝之家是謂一夫力役之征由是出焉即軍賦也此外惟冬作一事所謂用民之力歲不過三日舍此別無力役之征况軍旅之用歲入自克平人又安得復出口賦之泉以克軍需乎胡康侯曰古者公田助而不稅魯自宣公初稅畝後世遂以為常而不復至是二猶不足故又以田賦也田以出粟為主而足食賦以出軍為

主而足兵今用田賦為軍旅之征非矣蓋十取二者就田以取稅也賦用田者計田以出財也魯之軍賦歲以冬征未有改也特以軍需不足復用田以賦是增一賦矣後遂變為口賦之法于是軍賦口賦分為兩事而闔境無不算之民矣


此條所述口賦之原甚當因節畧其詞以備參考何休曰王者畿內千里租稅足以供費當以至廉無為率天下陳祥道謂先王時無算錢之法而此為征賦總名非

口率也其說是矣

李氏鄉遂圖統圖



今正鄉遂六花圖






彭山之圖每鄉每遂皆褰繞四郊畸零單薄何以統轄苟有山林川澤寧不乖離斷絕且地方近小而遠大不均孰甚焉愚謂六鄉六遂如六出之花六官分領盖一官所統各一方而自國中以達于疆故其人民易集政教易施也侯國鄉遂亦如之

經傳正謬






易 當作易日月相代也今易下從勿失其形意

八純卦俱用本書䷋䷌等為正乾乃人負旌旗坎乃土

之缺陷離乃黃鳥震止可為雷艮乃人不見巽潛心以求書義兌人開口而笑止于一事皆不若本畫其義無窮可以兼該衆義惟坤字小篆从申从土申字原从已變象兩端開展變化以會發達化生之意于義為得然土不足以盡地也 元古文作乃人之首小篆將人字分開作儿甚無謂 亨古文作厚也自上與下古曰答也自下奉上亨亨上下相亨也上下交而其志通為亨今文不知何指 利古文作裁制



而和為利但刀作𠂔非 貞古文作𠂔鼎 卜𠂔為貞从  
具非 元亨利貞文周係辭之大端而譌謬如此故舉  
以見例 龍古文作𠂔 小篆分其形謬甚 陰陽天  
地二氣也難于為象以雲升上覆為𠂔从日月而貫以  
一為易統于𠂔此正𠂔陽字也今所用字復加以阜乃  
山水陰陽字 剛古文作仁 〇生道渾全天德之剛今  
用剛乃缺精也 屯六二乘馬班如說文作乘馬𠂔如  
盖𠂔𠂔皆遲回不進之意在人為𠂔在馬為𠂔班字于

義未明用驢為當 泣血漣如說文作悲字从心 冢  
豕最蠢而復遭蔽覆其冢昧可知蒙乃草覆物也 初  
六用說桎梏脫字為善大小畜說輻遡莫之勝說睽後  
說之弧竝同 需當作雲上於天也从而元謂  
訟室作二鳥竝至穴中為室塞意古屋作亦  
穴字取人至穴為屋意今單用一主則與古屋字混  
比古文作兩人以正相親也比乃不正相合止可  
為小人比而不周字 小畜當从茲作與說輻大

畜鞭字義同 惕从𧈧 蛇類也 履古文作𡳿从

人行在上為踐履意又从人在下舟以載之為承藉意

楷从復非 辨當用卞此正辨別字辨乃判訟詞 泰

當作𡳿手去水諧太聲 后以財成天地之道財當

用裁 謙君子以裒多益寡說文云古易文作掊多

臨當作𡳿衆口喧从卧以靜制動即卧而治之之意

噬嗑𡳿乾肺从弟聲別作𡳿从裁省會意 賁飾字

从三中為文飾虎賁字从三牛為盛氣 剥古文从卜

作𠂔善 无妄此正有无字無乃蓄蕪也惟易為當但  
當作𠂔 𠂔 从夭加一象玄遠虛空之意 大畜童牛之  
𠂔告籠牛口也復加牛贅 頤古文單用𠂔 从口含  
物養之義也 大過枯楊生稊當用梯从木善 坎水  
洊至瀉善 祇既平說文作𠂔 離百穀草木麗乎土  
說文作𠂔 恒當从月作恒 𠂔或作𠂔 非 遯有疾憊  
也說文作𠂔 晉从二子作𠂔 善 明夷用晦而明  
晦从月不當从日 古文作𠂔 善 六二用拯馬壯吉說

文作橙枿渙同 家人當作宐一人主二人之上譌从  
豕非 睽六三其牛掣說文作𧰨蓋持其角使偏故為  
不行之意掣乃俗書其人天且劓𠂔八鬚也劓去鬚刑  
也用劓而義自明𠂔與𠂔相似因譌作天非 解  
當作解从刀判牛角 益民說无疆說悅同 夫當作  
𠂔又九四臀無膚古文作𠂔正臀字加父為殿後字  
復加囙作𠂔贅姑九三同 姑从𠂔𠂔作𠂔聲意俱  
得从后特取其省文耳 𠂔从斗加一楷書作升義

不可尋 允升說文作觀升 困古文作朱 井中當  
加 作井井田所以得名也 艮九三列其夤上从夤

漸別作趣人與水之行皆以漸也 歸妹婦之止

歸乃人返其居 六三婦妹以須當用夤 豐當單用

彗从山作豐地名 九三豐其沛當用沛沛乃水名

旅初六旅瑣瑣單用貞善 渙王假有廟从彳从遐謂

自遠而至也不當从人王假有家義同凡感格字皆用

假 上九渙其血去逖出无咎小畜惕善 中孚九二

吾與爾靡之靡善靡乃披靡又死也 六二婦喪其茀

蓍善 賾說文缺从臣天地養萬物包容徧覆之意責

聲 掛一以象三古文作挂教買切止此為是掛乃懸  
掛字孫子地形有掛者用之 其受命也如嚮響善

成天下之亶亶者說文作媿媿以成天下 夫乾確然

示人易矣說文作霍今書善 服牛乘馬說文作犇牛

乘馬 重門擊柝與櫟同 日中為市出善 後世

聖人易之以書契當从木作契契乃人相契合也 日

以暄之說文止有烜字

書 當作書 𠄎 𠄎 謂手書之而其意著明也从日  
非

堯典 堯 𠄎 音遙 土高也从人乃人高出羣之意小篆  
以人字分作儿 非 舜古文作 𠄎 𠄎 从 匚 筐籩之屬禮  
也以 𠄎 古舞字樂也从炎禮樂明盛之意楷書作 舜  
謬甚 黎民於變時雍 豈此雍塞字雍州字用之雖鳥  
鳴和時雍字當借用楷書作雍無意味 平秩東作說



文作𪔐言禮有次第也秩乃植禾之均望秩于山川天  
秩有禮同 鳥獸毳毛說文作𪔐毛別作毳 日短星  
昴當作昴 洪水古文作𪔐善 父頑當从夭作頑  
媯汭為水名媯姓也此當从水 舜典哲塞遜古文  
作愬憲隱善 肆類于上帝小篆作𪔐 四岳作𪔐善  
讓于稷契暨皋陶說文作皋皋陶 禹謨泝水警予  
亦當用𪔐 泝音降水名也 侮慢自賢說文从母聲  
作𪔐古文作𪔐謂以朴侮人也从每非論孟同 班師

古文攸善 益稷下民昏墊當作塹不以執 濬畝濬

古文作々々 日月星辰山龍華蟲作會當用繪

粉米說文作𦵏𦵏 𦵏成五服說文作𦵏成 禹貢厥

草惟絲厥草惟夭當合于一用扶善 厥篚織文古文

作𦵏文 濟當用涉正水名今用濟乃濟渡字 漂正

韻云漂本古漂字因以漂為乾澀字遂省文為漂字

沆即楷書𦵏字𦵏工作六即三省文 淮當作漚 草

木漸苞說文作𦵏苞 蟠冢藻漾別作𦵏善 淮夷蠙

珠玑通用 厥土惟塗泥當作屋泥上聲 篠蕩既敷

用筱莠善 三百里納秸服秸稽通 太甲天作孽

此正罪孽字或借用妖蠻字為善以子非 盤庚若顛

木之由孽用粵不善粵木生條也不枝旁出也 今汝

眊眊說文作懋懋古活切善自用也 予亦拙謀說文

作炆謀火光也 相時憺民說文作懋民息廉切言衆

也 大命不孽說文作孽今文非 洪範彛倫攸斃當

用殛 稽疑當作卬疑此正卬問也 貞悔當作卬此

正外卦字悔乃悔吝也 庶草蕃庶當用無正蕃蕪字

庶乃旁室 牧誓尚桓桓如虎如貔說文作𤝵𤝵善

無逸民無或胥譎張為幻詛善从壽非 多方爾尚

不忌于凶德說文云上不蕃于凶德釋云忌也 立政

灼見三有俊心說文作焯見 顧命憑玉几當用凭

率循大卞當用衛 三宿三祭三咤說文咤作𠵽音如

吕刑奪攘矯虔說文作𢇛攘 賈誓杜乃獲杜木名

當用𢇛 秦誓旅力既愆當用𢇛 截截善諠言說文

作戔戔 邦之既隍易作𨾏 隳義同

詩 古文作𠂔从止謂意之所之寺乃古止𠂔字待也

國風 周南關雎在河之州 古文作𠂔善小篆作𠂔

楷書復加水作洲贅甚 窈窕淑女當用令終有俶字

淑乃水美也 女當作巾乃端坐掩手形今手足發

揚失古人之意矣 君子好逑君當作𠂔端拱出令

意今从尹君行臣職矣 左右流之止當用𠂔字左

乃佐字右乃佑字楷書因失此𠂔又二文遂別製佐

佑字 右首章所譌如此餘不盡述 葛覃服之無穀  
穀擊罪人也當用鐸 卷耳陟彼砠矣說文作岨今砠  
字闕 樛木葛藟縈之說文作蔞 桃之天天說文作  
杕夭乃人傾首也 漢廣江之永矣當用漾說文云水  
長也 召南羔羊素絲五緘說文作五黻 小星維參  
與昴當从𠂔作𠂔音畱與稠猶聲相洽𠂔字乃今卯𠂔  
字一音留凡畱昴劉樛柳皆从其聲竝不當从卯 何  
彼穠矣王姬之車妃善𠂔非聲 衛終風𠂔𠂔其雷𠂔

蛇類當用𧈧乃雷聲鬱而不發越之意 靜女其姝說

文作𧈧亦嘉好意愚謂从女善 搔首踟蹰說文云踟

蹰俗書也作𧈧踏 載馳言采其蟲蟲虫類用𧈧為當

𧈧無食桑葚木果也用𧈧為當 河廣一葦杭之杭

木也用航為當 伯兮首如飛蓬用葦善 焉得諼草

諼忘也措作萱善 王中谷有女仳離當从北相背意

大車毳衣如茨說文作𧈧別有𧈧字善 鄭清人左

旋右抽說文作左旋右𧈧 遵大路無我𧈧兮說文云

無我斂兮 擇兮當从釋作穉幽風十月隕穉同 揚  
之水人實廷女楷書誑為當 漆洧漆說文作漕漆乃  
秦字與𦵏義同謂水與車皆會于秦也 載驅齊子豈  
弟用愷悌善 秦車鄰用𦵏為當 駟鐵載獫狁驕獨  
獫善 陳東門之粉市也婆婆說文云當作嬖婆非  
檜風檜木名當作鄮 匪風漑之釜鬻說文作概 曹  
蜉蝣衣裳楚楚說文作𦵏𦵏善 候人何戈與祗音步  
擊也从示不从衣今人以打為祗打音鼎以物首及物



也 下泉懷我寤嘆用急為省 豳七月六月食鬱及  
蕓說文作及萑 鶴鳴于垤萑正鶴字也加鳥贅

小雅記稱宵雅肆三當作小雅善 棠棣鄂不韡韡  
作萼古文作𦵏善 鄂國名此用之非 樂爾妻帑當

用拏 伐木坎坎鼓我蹲蹲舞我說文作𦵏𦵏舞我釋  
云繇也舞也詳字義蓋且歌且舞故字从大 有章舞有  
文會意 天保神之弔矣用迎善 南有嘉魚蒸然罩

罩說文作𦵏𦵏 南山有臺南山有枸从句枸杞字从

勾二木名 蓼莪我心馮兮當用馮今為馮馮字說文  
缺 湛露厭厭夜飲當用厭 六月如輕如軒輕說文  
作輦 織文鳥章古文作結 采芑八鸞瑤瑤商頌烈  
祖作鶴鶴 車攻助我舉柴說文作棼積也今用柴非  
祈父書作圻善 節南山維石巖巖作崧善 天方  
薦瘥說文作薦嗟 正月謂地蓋厚不敢不躋說文作  
越 此此有屋說文作伯伯小兒善 巧言秩秩大猷  
說文作戢戢此戢字之義謂擊戈有路莫能破也 蓼

我勛勞當从勾作勛勞 四月匪鷄說文作鷄 鼓鐘

憂心且妯說文作妯善 大田有滄萋萋當作霎霎

鴛鴦推之秣之推當用莖 青蠅營營說文作營營

賓筵賓載手仇傳云仇當作斟善 威儀怵怵說文作

怵怵屢舞傴僂說文作娑娑 采綠當作菖

大雅 文王上天之載說文作綽紛糾中有主宰之意

大明涼彼武王漢書作亮 造舟為梁造當作舩

縣陶復陶穴復當用覆 文王有聲聿求厥寧說文作

歇求厥寧

生民先生如達奉音捷正辛生順易也

不當用達

克岐克嶷說文作克岐克嶷居逆切小

兒有知也

蒸之浮浮說文作煇煇 假樂率由舊

章率繩名當用衛

公劉思輯用光當用戢 洄可以

銓鑄饋饌同

民勞以謹惓惓惓字从民非當从氏作

惓 板無然泄泄說文作詵詵民之方殿屎說文作𦵏

𦵏 抑神之格思格當用感假字 雲漢滌滌山川說

文作菽菽

蘊隆蟲蟲當用蟻蟻

崧高往近王舅師

云近當用迅 蒸民四牡彭彭說文作騁騁 瞻卬鞠  
人攸忒說文作攸忒

頌 維天之命假以溢我說文作誠以並我嘉善也

時邁莫不震疊說文作震懾疊非 有瞽執磬祝圉圉

圉圉也書並稷用敎善 閔予小子嬛嬛在疚說文作

熒熒在疚 載芟載柞說文作斬 絲衣兕觥其觶

用斛善卣有曲意也 那執鼓淵淵代鼓淵淵竝當用

釐善 長發幅隕隕墜也用員善

周禮

天官 治當用割治絲者置之于器兩手尋其緒而  
理之治乃水名 教當作教音義與效同謂小子  
效于師師執朴示之非孝文二字 禮古文作利以示  
五禮以吉祭為先以一主一而事治也豐乃器大備之  
意 政當作政从正必先自治之意从支刑以輔治也  
不从文 刑當作勑从井水靜則平言用刑者當如水  
之平刀字不當作利 事當作蚩从中从之謂執中

而往也 腊人俗目此即腊肉字从肉日乾因借為今  
昔字復加肉作腊贅 醫師當从巫盥言其道通神也  
醫乃梅湯造法如酒之意漿人醫馳字用之今混為盥  
師字非 盥人說文作盥从又持肉以草料及酒淹于  
器中也省从右非 司裘古文作𠂔即裘字也因借  
為求索字別加衣非 胥徒說文作𠂔人有才知稱胥  
乃蠚盥也 奚說文作娛 奄人別作閭 以官計弊  
邦治弊羣吏之治弊斷也用慙善 八柄詔王馭羣臣

古文作棟有秉執之義尤善別作枋非 商賈阜通貨  
賄以貝作賈商乃商議字 家削之賦用以邑之郛  
為當 羞用百有二十品庶其字从父謂進美味於  
老人羞惡字从扭刑而生恥心也 春行羔豚膳膏香  
當用腳牛味也今用香非乃禾之氣 豕盲眦而交睫  
腥單用脰善肉成米也 益齊說文从酒作醢善  
糟而奉之說文作醬善 深蒲說文作藻 菰菰說文  
作菰 王舉則共齊菰鹽物六十鹽齊當用齊菰當用



鹽墜當用鹽為善 屨人句用絢善

地官黨正用鄙善黨乃朋黨字尚黑之意 鄙師古文

作畱 圉人古文作囿 大司徒移民通財移乃分禾

移挿凡移徙字皆當用迢 封人設其楅衡衡下从木

楷作魚非 舞師教皇舞翌乃鳳凰字借帝皇字及作

凰竝非 牛人共其牛牲之互用豎善 載師漆林之

征漆乃水名古文作𣎵善 賈師賈上當作西展成

奠賈用價善 稻人以涉揚其芟作田古文作薪 山

虞邦工入山而掄材古文掄作祿

春官鬱人當从臼作鬱鬱乃木茂盛也鬼神示古

文神祇字作周禮單用示即古祇字于義甚當但稍

失其形他書作祇贊或用祈乃祈禱字非小宗伯兆

五帝于四郊用坻為當司尊彝諸臣之所酢當用酢

司几筵王位設斧依當用扆典瑞駟圭璋璧琮當

用組大司樂祝圉用圉非解見詩磬古文作𦵏

善𦵏即鼃也𦵏象形今从申誤簋人古文作𦵏

此文稍變師云𠄎古莛字參伍錯綜之意內九巫字皆  
𠄎之誤 大祝付練祥當用祔 太史遺之日讀誅从  
𠄎作𠄎善 車僕戎車之莛五莛字𠄎當用倅

夏官 大司馬蒐田別作獲爰舍別作𡗗 方相氏𠄎  
去聲謂放其形相也 帥百隸而時難論語作儺𠄎當  
用𠄎為善今用難誤 圉人此乃圉圉字別作圉 甲  
日干名兵士之服古文从衣建首作𠄎𠄎𠄎乃嫡子兵  
士首服司馬法从莛作𠄎

秋官大司寇凡萬民之有罪過古文作臯謂自取辛苦也罪乃捕魚網名秦人以其似皇借用罪而此文遂隱士師創珥用幾岬善朝士面三槐用櫟為當司

刺三刺謂三訊之當用諫亦為譏諫字今竝借刺殺字非掌囚上罪桎梏而桎當作茶从共而兩手合于一木復加于非野廬氏舟車輦互殷正車相擊也復加車贅雍氏當作豈杜攬見書費誓赤友氏當用赫拔儀禮冠古文作𠄎謂以手執曰加于首也楷

書或作冠非 婚取婚禮用夕之意昏下也从昏非

𦵏以哭亡為義當作𦵏楷作喪非 祭从𠂔持肉以

祀也或作祭非 鄉郛二邑也此正鄉黨字加邑作郛

為饗食字後人以鄉為鄉黨字因別加食為饗食字是

二食矣 飲古文作𩚑善 酒古文單用𩚑善

醕此酬酢字酬从州聲意無取 中雷作廟亦善 枕

塊古文作𠂔善 姆纒笄宵衣綃善 褊說文衣正幅

也玄端端衰字常用之 妻古文齊善盖對夫言曰妻

金少 卷二  
謂與夫齊也對舅姑言曰婦謂執帚事人也小篆妻从  
帚則與婦混矣 婿說文从士作壻善 棗盛用盥善  
攢棗乃秦進字取進手為容之意不若拜字善

### 春秋

春首从屯从日言日初出方和也 夏古文作𡗗言日  
正昌盛也夏乃華夏字 秋大火西流百穀告成或以  
火居左失西流意或作穰止言禾焦耳 冬古文作𡗗  
言日之終小篆从人言其寒也 𡗗正古終字今作久

失其形 諸侯敵王所愾說文作𢇛古文作𢇛金 許

言可也窮困窮也黎黑也譚言談也褻衣長也國名許

當用𢇛窮當用窮黎當用𢇛譚當用𢇛褻當用𢇛𢇛

此城郭字廊此郎官字表此正邪字扣改皆叩擊字郭

郎邪叩皆國與地之名鄰鄴鄆鄆鄆鄆鄆竝从邑為善

卒此士卒字大夫死當用猝 殲于遂左氏善公羊

作殲非 齊侯唁公于野井當作咎今从口步之誤

鵠鵠或作鵠公羊作鵠鵠非 瘞犬入華氏之門說文

作猊犬為是 不義不昵說文作𧯛黏也 美而艷說文作豔今艷字說文缺 公羊犒曰侵當用粗蓋精粗字皆从米也

論語 學以言豕昧未知从豕从𠂔言學者必敬恭無驕惰之意 三家者以雍徹用徹善此正欽器字徹乃通也 郁郁乎當用盛正文盛意 從之純如用縱善 瑚璉也說文云當用璉璉乃俗書愚謂从玉亦善 臧文仲居蔡古文璽大龜也从二木二火言灼



兆非一之意蔡乃草名 與之庾當用蚪 小人常戚  
戚用感善 巍巍乎崇山高也只此為是 魏委積高也  
今復用魏非式 負版者當用軾 沽酒詩有酒酤我字  
善沽乃水名 子見齊衰用齋善 與與如也與說文  
作𡗗 趨進翼如也說文作趨 君召使擯用儼相字  
善擯乃斥也 鄉人儼解見周禮 仍舊貫說文从手  
作𡗗 億則屢中用意善 從我於陳蔡 唱此國  
名隄隈 彼皆戰陳陳力字 夫子哂之說文有𡗗字

微笑也今哂字非說文缺 行篤敬篤行篤厚竝當用

篤篤策馬也 晉文公譎而不正用慙善 公伯寮說

文从宀作寮即此 鄙哉硜硜乎當用磬正石聲也硜

說文作磬字 窮斯濫矣說文用媼从女 必也狂狷

乎當用慙悁从心善狂犬疾狷犬戾也 古之狂也蕩

當用惕悁心放大之意蕩乃水草瀾漫也 鄉也吾見

夫子當用春秋傳鄉役之三月字 歸孔子豚孟子用

饋善 不有博奕者乎當用博

孝經 古文作孝 孝子在老人膝下也 楷孝首失老人  
意 哭不偯 說文作恁 卜其宅兆 姚善

禮記 大學僻則為天下僂 說文解僂為癡行僂 僂此  
當用戮 心有所恐懼 古文作𢇛 自嫌凡怏足當用

慝 恨少當用歉 慝音義與嫌同 混用此竝非 心廣體

胖 用𦔻善 無情者不得盡其辭 乃言詞字辭乃辭

受字謂受而過也 辭乃詞訟字謂治其理曲也 中庸

行險以徼幸 徼乃伺察當用徼 陷穽亦作阱 聰明

膚知聰乃耳通用忽善 辟廡戶室也雖鳥鳴和取均  
和意邕水環邑亦善 闕當从缺或从歟非 緼韞幽  
衡幽用黝善 玉鏘鳴也當用琤 毋追牟酒器言在  
首如牟之堆也作毋非追當用邳 范則冠當用萬祭  
左右軌范當用範范草名借用竝非 緇衣不蕤當用  
緇 不說經帶脫善 襚贈終者衣被也說文作祝襚  
乃楷書 衣裳綻裂常正下常字不當从衣綻用組善  
袴說文作袴楷从衣非 華門圭窬當用竇 逢腋

之衣當用縫 綢聚同 大夫以嫌或以布或以竹嫌

簾通用古文別作膚 離當作襍木字移衣下非 序

以昭繆用穆善謚法繆當用繆繆乃綢繆字借用竝非

園腴當作黍腴園側也 耗說文作秬禾不成米而

虛耗也从耒非 梁曰香箕說文作稭善 醕此當為

冠禮醕禮字醕當為長者飲耒醕字今錯用 鞠有黃

華用菊善 執勢借質非 三月不解懈善 俯仰誦

仲當用誦 應對字从言作應善 諫而無譴論語作

諂善 適見于天當用諂 塵有存焉即塵字 相彼  
盍旦當作渴旦 無怙慝之音說文作慝

孟子 仁从二兩儀也天地之大德曰生人得之以為  
仁此字今文同 義从𠂔𠂔美字省文謂善在我也从  
羊非 禮解見周禮 知古文作𠂔矢以達遠言以俟  
事能巧中也亦作𠂔自知其所自之意 信古文从心  
作𠂔言出于心内外一致意小篆作信人言豈皆實乎  
不奪不饜獸此正饜足字謂甘于犬肉也加尸為履

厭字今反以為厭飲字加土為覆壓字加食為饜足字  
竝贅 填然鼓之填乃填塞此當用詩振旅闐闐字為  
當 鉞茅當用殍正死人也茅乃水草 曾西慙然說  
文作歆然 則苗淳然興之當用萃正草盛也淳字說  
文缺乃水湧 徵招當用韶 則怒悻悻焉說文慙乃  
怒意 旄倪當用耄旄乃旗飾 誅紂當从戈作戕誅  
乃言責人論語於予與何誅字 四端端即發端字端  
乃人立正也端正字用之 創業當用初謂井田為法

制之始創乃刃傷也 畫墁說文作慢朽也今用墁甚  
當說文缺 勞之來之來乃往來用勑善 淮濟當用  
懷涕解見書 徒鋪獸古文飭字善 不若是愬說  
文作不若是忬 源源而來說文作譟譟而來 自怨  
自艾當用忬別作刈今借艾非 二女果當用嫫 郤  
之為不恭當用却 不稅冕而行當用脫 貉道也此  
論語狐貉字北狄當用獮貉為善 拂士當用旁輔正  
弓也 從者之麼當作麼从夂即叟字也今作麼非





齊篆道齊貨幣舊多單用齊字楷書分別為善 齊古  
文作𠄎 象禾麥齊秀于地之形小篆作𠄎 楷書分  
為二遂失其義 愿此思患字憂此優游字優此優劣  
俳優字 臧吏受賕故从臣自戕為文 璽笑也故从  
臣壬然而廉為意匪莊嚴修莊草蔽藏物 追琢年追  
追蟲竝當用砮 進此追逐字邁此進用字後世以邁  
省同為進用字改進作追為追逐字又借追為追琢追  
蟲年追字竝非 址且升高也𠄎 升車器名𠄎 器名

疆封域疆步弓正其疆界疆弓竝弓強疆蟹竝虫直  
死疆勇竝剛疆字轉為勉疆字从力楷作強本蟹字之  
誤通用為疆勇字非 丩木旁出𠂔阜旁出𠂔有罪諧  
官聲蟹虫災巢麴名二字竝諧𠂔聲藥木字正當用丩  
甚為簡當𠂔子字當借用丩不當用罪𠂔字書天作孽  
字宜單用𠂔或借蟹不當从子黃檠木諧辟聲不當从  
𠂔 寧安寧寧可甯所願 慤愛惡字愛優然也  
臭本嗅字又氣味也嗅惡臭字楷書失嗅以臭字當之

復加口作嗅非嗅本以鼻不當又以口也 网此佃漁  
網字加一作罔為網網字网加亡為罔無字网加山為  
山罔字楷書復以罔加糸作網以罟加糸作綱迷其初  
矣 竈塞向字空填塞字竈邊塞字 罟此鳳凰字  
譎皇字當借用罟皇暇皇遽倉皇皆當用遑今借皇帝  
字竝非蟻虫字不當作蝗 戡音致謂音註于戈上而  
記之識幟織職熾竝从戈不从戈識與誌幟與誌義同  
織古文別作𦉳善 敝物小也微人行之微也毀徵見

也又五音之徵竝不當从彳徵聘召也竝从文懲戒字  
从彳有治意从徵省聲 尚衣敗敝物壞以彳擊之斃  
死也懲斷也从心从彳為制治意斃人作斃也大即古  
人字譌从犬解為左傳犬斃字則鑿矣幣帛字从帛省  
文黼黻之屬从文以節文相接也舊从彳豈以禮幣相  
交而从敝壞字乎小篆文彳二字多相誤也 甄樹植  
也从堽高地从畀 耕耨勤勞之意說文云从𠂔云作  
藝無謂愚按周禮樹藝詩藝麻竝从𠂔指事又周禮六









乃程禾譽詞當用囁 衛取周币意 銖此當為抹

馬字 摩旌旗指摩 罪罰留罵等事竝當从网 斯

須字當用𦉳挑桃當从𦉳 侵作字當借𧈧 吟从金

作𦉳善 啼从遞省作𦉳善 訾責讓貲財字不當用

訾 衝从童不當从重 津濟渡盡液字不當用津

止而比之為此行而北之為彼當作𦉳不當从皮 邇

从宦不當从官 秭不當从旱作秭 醇醕不當借淳

漓 徘徊徐鉉云當借裴回俗作徘徊非愚謂二字亦

當 怪音奎經同恢悝竝非轉疑怪字 垠堤也从是

非 勃海徐鉉云俗書作渤非 賓主字以一丁今作

賓非 擗充拓从石非 擾擾从憂非 撼搖撼从感

非 扶扶掖从夜非 蛩从止从山非 蛩當从卽乃


得聲 崎區徐鉉云作崎嶇非 𠂔酒字𠂔𠂔𠂔字

二字相混非 鬱發也从撤非 𠂔晚借𠂔倪非 陸

敗城阜也侈落也徐鉉云陸作墮非 𠂔𠂔作晚岩嶰

𠂔非 𠂔眉音避戲壯士作力兒作𠂔𠂔非 𠂔𠂔受

即紂字 誚譙 踐 紂 紂 紂 紂 紂 紂 紂 紂 紂 紂  
誕 這 韵 韻 韻 韻 韻 韻 韻 韻 韻 韻  
擲 迂 迂 徙 義 竝 同



周禮翼傳卷二